

Leta Theghetoniye Jon Le Rorori Utu iviva

Letake iyake Jon vambe i roriva na i variye weya amala regha idae Gaiyus. Amalake iyake ghathanavu i thovuye. Mbaña ravavaghare thi vaghiliya, amalaghiniye i vañguruwoñgi ele ŋgolo na i njimbukikingi, ghaghad thi wareri ma thi wava e ghembä regha. Le vakathake thovuye iyake kaiwae Jon i tarawenja. Jon i giya utu vavurigheghe weya Gaiyus na i njimbukikiya lolo regha idae Diyotripes. Amalake iyake iye ekelesiya gharandeviva regha e valivanġako iyako, ko iyemaenje iye i thighiya wananaġgiya thiye thi vavaghiliya na thi vavaghare. Jon tembe i utugiyava Demitriyas ghawwathovuthovuye weya Gaiyus. Ghayamoyamo ŋgoreiye Demitriyas iye ravavaghare regha, iya kaiwae Jon nuwaiya i govambwara weya Gaiyus na mbala i thalavu. Mbwata Demitriyas iyava i liya letake iyake.

¹ Ghino ekelesiya gharandeviva ya roriya letake iyake na ya variye i ghaona e ghen, Gaiyus, wou valighareghareñgu emunjoru kaiwae mbe ghareñgu vara moli e ghen.

² Wou valighareghareñgu, lo naŋgo e tine nuwaŋguiya riwana i thovuye moli na bigibigike

wolaghiye thi thovuye e ghen ɳgoreiye e unena bigibigike wolaghiye e tine i thovuye moliwe.

³ Ya warari laghiye moli kaiwan mbaña oghaghanda vavana thi mena thi utuna utunin e ghino, thiňa ghen mbema emunjoru u ghambugha utu emunjoru moli na ya ghareghare mbanjake wolaghiye u vakavakatha ɳgoreiyako.

⁴ Thembaña thongo ya lonwevaidiyava lo ɳgaŋga utuninji, thiye thi longalonja utu emunjoru moli e ghakamwathi, iyake i vakathanjo ya warari laghiye, na lo warariko iyako i kivwala wararike wolaghiye.

Ra thalavunjiya Krais le rakakaiwo

⁵ Wou valighareghareŋgu, emunjoru kaiwo thovuye iya u vakavakathana, kaiwae oghaghan-dana iya thi vavaghiliyana na thi vavagharena u thalavunji, othembe ma u ghareghareŋgi.

⁶ Len gharethovuna wengi kaero thi utuna weŋgiya ekelesiya e valivangake iyake. Gharighari ɳgoranjiyako, thongo mbowo thi vaghiliyava, nuwaŋguiya u thalavunji lenji longalonja kaiwae. Vakatha ɳgoreiyana Loi i warari kaiwae.

⁷ Gharigharina iya thi rakarakarangina thi kaiwo Krais kaiwae. Ma thi mban mun ghanjithalavu weŋgiya thiye ma raloŋwelōŋweghathi.

⁸ Iya kaiwae ghinda ekelesiya ra thalavunjiya gharighari ɳgoranjiyako, na ghinda ra tabo ghanjirathalavu utu emunjoru e kaiwoniye tine.

Tha u vakatha ɳgoreiye Diyotripes ko ɳgoreiye enge Demitriyas

⁹ Va ya roriya ekelesiya lenji leta yangara, ko iyemaenje Diyotripes mava i goru weya iya lama utuko kaiwae amalaghiniye mbema nuwaiya enge ghamberegha i mbaro.

¹⁰ Mbanja ne ya ghaona, ne ya uturangiya le vakathako wolaghiye. Amalaghiniye i utuutuvathari ghime kaiwame. Ko ma mbe ghime enge kaiwame, ko iyemaenje oghaghandako iya thi vavaghare vaghiliyako ma i kula ruwongi ele ηgolo. Na tembe ηgoreiyeva, i dageten thavala nuwanjiya thi kula ruwongi, na i variye ranjyanji ekelesiya wabwiko e tine.

¹¹ Wou valigharegharengu, tha u varevare thanavu raithari, ko iyemaenje u varevare thanavu thovuye. Thela thongo i vakavakatha thanavu thovuye, iye Loi nariye. Thela thongo i vakavakatha thanavu raithari, iye ma i thuwathuwa na i ghareghareya Loi.

¹² Gharigharike wolaghiye thi wovathovuthovuyenja Demitriyas. Thiŋa iye lolo thovuye. Iye i ghambugha utu emunjoru, na iyake i vaemunjoruŋa iye lolo thovuye. Ghime tembe wo wovathovuthovuyenjava ghathanavuko, na u ghareghare lama utuke emunjoru.

Renuwaŋa momouniye

¹³ Lo renuwaŋa i ghanagha mbe thiyake valikaiwae ya worangiya e ghen, ko iyemaenje ma nuwaŋguiya ya rorinjoŋa e peipa.

¹⁴ Lo renuwaŋake mbe nuwaŋguiya vara ya ghaona ya thuwenje, ra yaku namoghamwanda na ra utu.

15 Loi le gharemalili i yaku e gharena.
Ghanuneke e valivanjake iyake thi mwaewo
e ghen. Ghino lo mwaewo u utugiya wenjiya
wounena regha na regha e valivanjana iyena.

**Toto Thovuye Loi Ghaliŋae
Portions of the Holy Bible in the Sudest language of
Papua New Guinea
Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

PDF generated using Haiola and XeLaTeX on 28 Dec 2024 from source files dated 31 Aug 2023

7a63d67b-b890-5db0-8880-b6fd64f3b62f